

Siang kerja kilang, malam jadi nelayan

Oleh **WAT KAMAL ABAS**
utusannews@mediamulia.com.my

BAGAN SERAI: Nelayan tempatan meminta Jabatan Imigresen meneruskan operasi menangkap Pendatang Asing Tanpa Izin (PATI) yang menjalankan aktiviti sebagai nelayan dan menjaga rumah sangkar ikan atau kelong di perairan Kerian di sini.

Bercakap kepada *Utusan Malaysia*, seorang nelayan, Mohd. Radzi, 52, berkata, serbuan Jabatan Imigresen dalam Operasi Penguatkuasaan Imigresen di perkampungan nelayan Kuala Gula di sini Jumaat lalu adalah tindakan yang mendapat pujian nelayan tempatan.

Katanya, dipercayai ramai lagi PATI di daerah Kerian ini dan kebanyakan mereka aktif melakukan kerja penangkapan ikan di perairan Kerian pada waktu malam.

“Pada waktu siang, kebanyakan mereka ini tidur di tempat penginapan yang disewa dan ada yang tinggal di rumah atau tempat penginapan yang disediakan oleh majikan seperti di rumah burung yang ada di tempat laut dan sebagainya.

PATI jadi tauke kelong

Oleh **SAYED HESHAM IDRIS**
dan **WAT KAMAL ABAS**
utusannews@mediamulia.com.my

IPOH: Pendatang asing tanpa izin (PATI) di negara ini kini ada bergelar tauke apabila terlibat dalam industri perikanan termasuk mengusahakan kelong seperti di kawasan perairan.

M: **UTUSAN Malaysia**
25 Julai 2022.

“Ada juga yang pada waktu siang bekerja di tempat memproses belacan, bekerja di kolam udang dan di ladang kelapa sawit berhampiran namun di sebelah malam aktif turun ke laut,” katanya.

Nelayan itu mendedahkan, PATI akan mula turun ke laut waktu malam antara pukul 8.30 malam ke atas apabila mendapati agensi penguat kuasa tidak membuat rondaan

di laut.

“Pada masa itulah mereka ini akan menggunakan alat penangkapan ikan yang tidak dibenarkan seperti penggunaan pukat Apollo, bubu naga untuk menangkap ikan di bawah batu nautika yang dibenarkan oleh Jabatan Perikanan Malaysia.

“Sebab itu kita lihat laporan-laporan berita mengenai tangkapan penggunaan bubu naga dan pukat sorong atau Apollo oleh kebanyakan warga asing yang tidak mempunyai sebarang dokumen pengenalan diri yang sah di samping tidak mempunyai permit kerja untuk mengendalikan bot,” katanya.

Radzi menambah, PATI yang bekerja di darat pada waktu siang akan bermalam di sangkar-sangkar ikan atau kelong yang berdekatan bagi mengelak ditangkap pihak berkuasa dan siang keesokannya akan kembali ke darat untuk bekerja.

Katanya, tindakan Jabatan Imigresen baru-baru ini disambut baik oleh nelayan dan perlu dilakukan lebih kerap bagi membasmi keseluruhan PATI yang terdapat di Kerian.